


ხელშეკრულება საქონლის შესყიდვის შესახებ №98
(გამარტივებული შესყიდვა)



ქ. თბილისი

12 ივლისი, 2017 წელი

მიმწოდებელი: ს.ს.ი.პ. „საქართველოს ეროვნული ბანკი“, აღმასრულებელი დირექტორის გიორგი მელაშვილის სახით
მისამართი: სანაპიროს 2, თბილისი 0114, საქართველო
საბანკო რეკვიზიტები: საქართველოს ეროვნული ბანკი, ს/კ: 203824148, ბანკის კოდი: BNLNGE22, ანგარიშის № GE52 NB04 5010 1499 9041 01;

შემსყიდველი: სსიპ - საქართველოს ინტელექტუალური საკუთრების ეროვნული ცენტრი „საქპატენტი“
საფინანსო დეპარტამენტის უფროსის ვლადიმერ სიხარულიძის სახით, (მოქმედი სსიპ „საქპატენტის“ თავმჯდომარის 2013 წლის სამი იანვრის №04 ბრძანებით მინიჭებული უფლებამოსილების საფუძველზე)
მისამართი: ქ. მცხეთა, ანტიოქიის ქ. №5
საბანკო რეკვიზიტები: ს/კ 203 831 363, ხაზინის ერთიანი ანგარიში ბანკის კოდი: TRESGE22 სახაზინო კოდი/ანგარიშის ნომერი: 707807132

„სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ვ“ ქვეპუნქტის შესაბამისად, გამარტივებული შესყიდვის საშუალებით ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1. წინამდებარე ხელშეკრულების საფუძველზე „მიმწოდებელი“ იღებს ვალდებულებას მიაწოდოს „შემსყიდველს“ (CPV18512100 - მოწოდება) ქართული ვაზისადმი მიძღვნილი საკოლექციო დანიშნულების 5 ლარის ნომინალის ვერცხლის მონეტა 50 ცალი, (შემდგომში შესყიდვის საგანი), ხოლო „შემსყიდველი“ იღებს ვალდებულებას გადაუხადოს „მიმწოდებელს“ წინამდებარე ხელშეკრულებით გათვალისწინებული შესყიდვის საგნის საფასური.

მუხლი 2. შესყიდვის საგნის მიწოდების ვადები და მიღება-ჩაბარების წესი

2.1. საქონლის მიწოდებას „მიმწოდებელი“ უზრუნველყოფს ხელშეკრულების გაფორმებიდან 2 (ორი) სამუშაო დღის ვადაში.
2.2. წინამდებარე ხელშეკრულებით „ნასყიდობის საგნის“ გადაცემა მოხდება მისამართზე – ქ. თბილისი, კახეთის გზატკეცილი N72.
2.3. „შესყიდვის საგნის“ გადაცემა დასტურდება გადაცემის დღეს მხარეთა შორის გაფორმებულ მიღება-ჩაბარების აქტზე ხელმოწერით. მიღება-ჩაბარების აქტი თან ერთვის წინამდებარე ხელშეკრულებას და წარმოადგენს მის განუყოფელ ნაწილს.
2.4. შემსყიდველის მხრიდან მიღება-ჩაბარების აქტზე ხელმოწერის და შესყიდვის საგნის მიღების უფლება ენიჭება: (გელა მაისურაძე პირადი ნომერი: 01011017911 ადმინისტრაციული დეპარტამენტის სამეურნეო-ტექნიკური უზრუნველყოფის სამსახურის მთავარი სპეციალისტი).

მუხლი 3. ხელშეკრულების ღირებულება, ანგარიშსწორების წესი და პირობები

3.1. წინამდებარე ხელშეკრულებით, ხელშეკრულების საგნის ღირებულება განისაზღვრება 50 (ორმოცდაათი) ცალი მონეტაზე 3 000 (სამიათასი) ლარით.
3.2. ხელშეკრულების საერთო ღირებულება შეადგენს 3 000 (სამიათასი) ლარს.
3.3. საქონლის ფასის გადახდა ხორციელდება ლარებში უნაღდო ანგარიშსწორების წესით.
3.4. შემსყიდველი იღებს ვალდებულებას გადაუხადოს მიმწოდებელს მიღებული საქონლის ღირებულება შესაბამისი მიღება-ჩაბარების აქტის გაფორმებიდან და საქართველოს კანონმდებლობით დადგენილი შესაბამისი დოკუმენტაციის წარმოდგენიდან 5 (ხუთი) სამუშაო დღის განმავლობაში.

მუხლი 4. მხარეთა უფლება-მოვალეობები

4.1. „შემსყიდველი“ ვალდებულია:

4.1.1. მიიღოს საქონელი მხარეთა შორის მიღება-ჩაბარების აქტის გაფორმებისთანავე.

4.1.2. მისთვის შესყიდვის საგნის გადაცემისას შეამოწმოს საქონლის ხარისხი.

4.1.3. დაიცვას ხელშეკრულებით გათვალისწინებული ყველა პირობა.

4.2. „მიმწოდებელი“ ვალდებულია:

4.2.1. გადასცეს „შემსყიდველს“ ნივთობრივად და უფლებრივად უნაკლო შესყიდვის საგანი.

4.2.2. დაიცვას ხელშეკრულებით გათვალისწინებული ყველა პირობა.

მუხლი 5. მხარეთა პასუხისმგებლობა

5.1. „შემსყიდველი“ უფლებამოსილია საქონლის მიწოდების ვადის გადაცილების შემთხვევაში დააკისროს „მიმწოდებელს“ პირგასამტეხლო ყოველ ვადაგადაცილებულ დღეზე ხელშეკრულების ფასის 0.02 პროცენტის ოდენობით.

5.2. გადახდის ვადის გადაცილების შემთხვევაში „მიმწოდებელი“ უფლებამოსილია დააკისროს „შემსყიდველს“ პირგასამტეხლო ყოველ ვადაგადაცილებულ დღეზე ხელშეკრულების ფასის 0.02 პროცენტის ოდენობით.

მუხლი 6. დავათა განხილვის წესი

6.1. მხარეები შეეცდებიან ურთიერთმოლაპარაკების საფუძველზე გადაჭრან წინამდებარე ხელშეკრულებასთან დაკავშირებით წამოჭრილი დავები. შეთანხმების მიუღწევლობის შემთხვევაში, დავა განიხილება სასამართლოს მიერ საქართველოს კანონმდებლობის შესაბამისად.

მუხლი 7. ფორს-მაჟორი

7.1. ხელშეკრულების რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად, თუ შესრულების შეფერხება ან ვალდებულების შეუსრულებლობა არის ფორს-მაჟორული გარემოებების შედეგი.

7.2. ამ მუხლის მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რაც შეიძლება გამოწვეულ იქნეს ომის, სტიქიური უბედურების და სხვა მსგავსი მოვლენებით.

მუხლი 8. ხელშეკრულების ძალაში შესვლა და მოქმედების ვადები

8.1. წინამდებარე ხელშეკრულება ძალაში შედის მხარეთა მიერ მასზე ხელმოწერის დღიდან და ძალაშია 2017 წლის 31 აგვისტომდე.

მუხლი 9. ხელშეკრულებაში ცვლილებების შეტანა

9.1. არანაირი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორების გარდა.

9.2. ხელშეკრულების პირობების ნებისმიერი ცვლილება უნდა გაფორმდეს დანართის სახით, რომელიც ჩაითვლება ხელშეკრულების განუყოფელ ნაწილად.

9.3. წინამდებარე ხელშეკრულების რომელიმე დებულების ბათილად ცნობა არ გამოიწვევს ხელშეკრულების დანარჩენი ნაწილის ბათილობას.

მუხლი 10. ზოგადი დებულებები

10.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.

10.2. ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან სხვა მოქმედი კანონმდებლობით გათვალისწინებულ შემთხვევაში.

10.3. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

10.4. ხელშეკრულება შედგენილია ქართულ ენაზე, ორ თანაბარ იურიდიული ძალის მქონე ეგზემპლარად.

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

მიმწოდებლის მხრიდან:

აღმასრულებელი დირექტორი

გიორგი მელაშვილი



შემსყიდველის მხრიდან:

საფინანსო დეპარტამენტის უფროსი

ვლადიმერ სიხარულიძე



A handwritten signature in blue ink, consisting of stylized, overlapping loops and strokes.

მიღება-ჩაბარების აქტი №98

ქ. თბილისი

13 ივლისი 2017წ.

ჩვენ, ქვემოთ ხელის მომწერნი, ერთის მხრივ სსიპ საქართველოს ინტელექტუალური საკუთრების ეროვნული ცენტრი „საქპატენტი“ (შემდგომში „შემსყიდველი“) წარმოდგენილი ადმინისტრაციული დეპარტამენტის სამეურნეო-ტექნიკური უზრუნველყოფის სამსახურის მთავარი სპეციალისტის გელა მაისურაძის (პირადი ნომერი: 01011017911) სახით, და მეორეს მხრივ, სსიპ საქართველოს ეროვნული ბანკი (შემდგომში „მიმწოდებელი“), წარმოდგენილი თამარ ლომიძის სახით, ვადგენთ წინამდებარე მიღება-ჩაბარების აქტს მასზედ, რომ 2017 წლის 12 ივლისის №98 სახელმწიფო შესყიდვის შესახებ ხელშეკრულების შესაბამისად, მიმწოდებელმა დადგენილ ვადებში მიაწოდა შემსყიდველს შემდეგი საქონელი: ქართული ვაზისადმი მიძღვნილი საკოლექციო დანიშნულების 5 ლარის ნომინალის ვერცხლის მონეტა 50 ცალის ოდენობით. ერთეულის ფასი შეადგენს: 60 ლარს, სულ: 3000 ლარი.

სულ შესყიდული საქონლის საერთო ღირებულება: 3000 (სამი ათასი) ლარი.

აქტი სწორია, რასაც ვადასტურებთ ხელმოწერებით.

სსიპ საქართველოს ინტელექტუალური საკუთ-
რების ეროვნული ცენტრი „საქპატენტი“
ს/კ 203831363



გელა მაისურაძე
ადმინისტრაციული დეპარტამენტის
სამეურნეო-ტექნიკური უზრუნველყოფის
სამსახურის მთ. სპეციალისტი

სსიპ საქართველოს ეროვნული ბანკი

ს/კ 203824148



თამარ ლომიძე
საკასო ცენტრი
მოლარე-ოპერატორი

